



汾州府志卷之十五

題詠

說者謂剛後無詩夫詩可以興苟其言足感
發懲創即不必三百皆能入人矧陶唐故墟
尤有擊壤康衢之遺乎其感懷賦事吊古傷
今未必盡出汾人篇什可採不妨兼收之矣

汾陽縣

鶴鳴古洞

趙瞻宋樞密直學士前判汾州

山勢巖峩接遠峯九臯鶴唳徹長空清音彷彿



汾州府志 卷一
佛蒼松外踈影依稀皓月中石洞雲封仙去
後桑田世換水流同登臨厭聽黃鸝語弄巧
綿蠻噪碧叢

慶成王慎鍾

自道從仙駕傳流遺鶴音拍崖方信近棲洞
不知深清唳真難辨高翔豈易尋至今存古
跡空谷靜沉沉

安陽崔士榮

汾州府知府

仙人騎鶴入遙空祇聽餘音振谷中遺跡千

年成勝景浮生半世類飄蓬黃花招客樽盈
綠碧洞棲雲木落紅忽憶家山深隱處巢由
高轍許誰同

馬跑神泉

盧象

宋行西河司馬員外

將軍稱賀虜遺廟俯靈淵紫噴蛟龍穴波蚺
赤鯉泉路迴芹澗水村近石林烟野馬含暄
氣農夫出故躔土膏興耒耜尸祝傍山巔閱
世無銘石茲遊匪幕天頃來規下宇必葺墓
先賢悅使成能事輪材出俸錢伉香推幹蠱

班匠擇精專黜聖何其麗樂樞本自然松青
離石道雲白介山田適歎飛聲速仍憂黃雀
穿梨花寒食後桂籍酒樽前饑麝尋香栢流
鶯助晚絃吳歛摧玉笋趙舞落金鈿上已無
過酒春衣試欲湔故園思鞏洛襖飲客汾川
寄語西河老鄉心朝暮懸

卜山書院

郁浩 汾州知州

文學當年列四科春風壇杏幾絃歌德如顏
閔魯相竝才似由求不啻過東魯辭歸業久
大西河退老道差我卜山依舊橫天際萬古
吾人仰企多

慶成王知燠

卜山擁翠勢崢嶸世遠空堂草自橫澗底寒
流鳴咽裏令人疑是讀書聲

慶成王慎鍾

洙泗傳經業河汾退老居山深惟石室泉隱
自林墟樹鳥鳴先哲階蟲篆古書聖門重高
尚千載仰芳譽

汾水行宮

知燠

煬帝奢華四海空
鑾輿幸處建行宮
雕梁畫棟今何在
汾水滔滔依舊東

慶成王新堤

閑過離宮日當午
玉樓金屋成泥土
曲房音節宵笙歌
隔樹聲和有鸚鵡
碧草瑤階浮曉光
青娥白髮哀殘苦
如今杖竹倚長門
猶記當年羽衣舞

文湖漁唱

趙瞻

湖光瀲灩泛蓮荷
款乃漁郎慣此過
笛韻吹殘紅蓼岸
櫓聲搖出錦鱗窩
狂歌明月閑愁少
放浪扁舟適興多
蓴菜鱸魚供一醉
掉頭歸去卧烟蓑

鄭儀 郡處士

萬頃銀濤裏扁舟雜往還
煙消然竹籜日上整綸竿
睡足蘆花月歌殘雲水灣
得魚橫野渡心與白鷗閑

謁狄武襄公祠

王琦 金汾陽軍節度使

傑士西河秀英雄挺偉姿奮身其衛國彌節
願匡時妙畧風雲會威名草木知功高懾南
服計重破西陲定亂勞三箭平戎在一麾勢
傾銅柱遠聲振玉關竒頗牧才何濟孫吳譽
並馳朝廷分重寄將相賴兼資豹畧多全勝
鷹揚屢捷師雍容敦禮樂談笑屈蠻夷褒錫
酬車服勲勞著鼎彝臺儼冠劔麟閣繪形
儀錦里家仍在蘭陵塚不隳風號墳上木苔
漬廟前碑過客煩詩句汾人奉酒卮汾陽遺

美蹟千古話芳規

范珠

宋祚方興虜未平將軍百戰捍危城流言難
泯生前節信史猶傳身後名八尺穹碑蒼蘚
合一區故宅野雲橫晚來風撼溪山樹彷彿
南征萬馬聲

郭林宗故宅

趙瞻

悲哉漢末之人士虛名譁衆世皆靡姦雄憤
怒相角觝潰然天下黨錮起黨禁根剔密如

此何歟網漏郭夫子意在太儒照物理逆鑿
禍福以行已才不蓋人行不詭謙損涵納海
之水又豈高卧安閭里鴻飛鳳舉不可企前
視亂國如覆軌明哲大雅之所美有道進退
能猶是故宅莫問但遺址然誰敢謂李元禮
其徒器識不能爾

過黃蘆嶺題

楊璿

冉冉夕陽西行行信馬蹄亂雲山遠近碎石
路高低黃鼠作人立玄猿迎客啼自緣羈思

切觸景轉淒淒

過金鎖關題

鳳岩

世事已如此勞勞愧此生十年塵土夢萬里
故鄉情曲路稀人跡高天有鴈聲羞看白髮
變忽爾壯心驚

送汾城王主簿

韋應物 唐人

少年初帶印汾上又經過芳草歸時徧情人
故郡多禁鐘春雨細宮柳野煙和相望東橋
別微風起夕波

題臨汾宮

王世隆 僉事

落日半隱樹遠山猶照人野寒菊自好天迥
鶴難馴汾水流歸思年光逐去塵丹砂如可
就白髮任吾真

黃華亭

王廷筠

字子瑞金大定十六年進

士官至翰林編撰嘗買田於林慮讀書黃華山
寺因以自號焉其父王遵古為汾州觀察判
官以省親至汾而書此石云

帝遣名山護此邦千家瑟瑟嵌西窓山僧乞
與山前地招客先開册雙州四十也地四畝

手拄一條青竹杖真成日挂百錢游夕陽欲
下山更好深林無人不可留

王母祠東古佛堂人傳棟宇自隋唐年深寺
廢無僧住滿谷西風栗葉黃

挂鏡臺西挂玉龍半山飛雪舞天風寒雲直
上三千尺人道高歡避暑宮

題法興寺

表榭 鎮國中尉

載酒東林上巳前春風消息杏花邊日長塔
院逢僧奕草履塔除見鹿眠流水漸融巖洞

汾州府志 卷十五
雪清寒未散石堂煙平生也解求心性一到
禪關一了然

題國寧寺

竒酒 奉國將軍

禾黍離離烟滿川寥寥孤鴈夕陽邊將軍馬
擊禪林下借得僧床一覺眠

汾州閱武

南樂魏允貞 都御史

親提虎旅控西河聞道胡兒避塞過聞外秋
聲生鐵甲臺前霜色上雕戈材官一夜精神
倍野戍三秦殺氣多安得普天烽火熄盡將

鏡吹變笙歌

汾陽懷古

魏博鄭國仕 分守道歷陞
都御史

君不見汾陽宮昔時殿閣連碧空清宵千騎
恣遊宴富貴繁華孰比隆又不見子夏山懸
鶉退老西河間讀書談道英才育蕭然索居
掩柴關萬乘一介兩懸絕貴賤貧富難同列
寧知世代既變更賢愚涇渭自迥別隋家王
業已塵灰河畔離宮俱草萊遺踪故址無覓
處但見年年塞鴈哀春秋迄今幾千卜子

身逝名猶傳傍山古祠恒血食報德酬功永
綿綿當時取廣擬諸商渾如泰山壓螻螂今
日取商擬諸廣曷異珠璣比糟糠汾水東流
猶如昨遊觀陳跡俱寂寞世遠論定較重輕
萬乘反不一介若富貴原來類草菅道德世
世重人寰試看往來行旅客不說隋宮說卜
山

懷古

楊伯柯

汾州府同知

介子推

公子值家難出亡十九年群賢從之遊險
相周旋一朝主晉國榮名中夏先睠此從亡
者祿位皆翩翩介子實有功偶爾相棄捐烈
士期無求逃之綿山巔求之不肯出耳從烈
燭煙此行誠過中所執何其堅一愧臣懷利
再愧君簡賢三愧沾沾者微勞急自宣

卜子夏

宣尼天縱聖闡道在東魯偉哉七十賢速化
資時雨梁木歌已終群賢各索處卜子居西

河模範式茲土聖教日以宣聖化日以溥篤
實有輝光展矣大人矩觀德皆心怡遵信不
敢忤得見聖人徒即如聖人覩至今卜山高
萬古樹儀羽

段干木

文侯折節求干木踰垣避每出過其廬肅然
加敬異此豈為足恭尊賢當若是賢為國之
楨安危由之寄敵人窺境外亦視為軒輊木
也卧魏郊聲色畧不試彊秦聞其風兵戈不
敢肆乃知君重賢自為社稷計至今式賢閣
榮名垂無既

田子方

太子君之貳遇賢下車伏忘分以下交於禮
亦已篤胡乃不為答安得不心慙方也恃所
學欲以誇衆目富貴當抑情貧賤寧肆欲貧
賤而驕人毋乃失檢束驕為衆惡門何可留
心曲吾觀戰國士傲世為高躅擊也猶為賢
方實頽波逐

吳起

文侯開魏邦武也嗣其盛吳起守西河治兵
天下勁疆秦不東出韓趙皆聽令君臣同泛
舟徧覽山河勝美哉晉國寶懽然心志稱起
也善牖君守國惟德政王公雖設險非德無
由定據險非要理亡國有顯證此豈武夫言
聖謨亦可並惜哉薄天倫千古有深病

漢武帝

帝行幸河東祠后土顧視帝京
然中流與群臣飲燕歡甚乃自作

秋風辭河東今汾晉之地

武帝嗣丕基海宇全盛候雄畧不世出三五
爭馳驟詞賦百代倡才賢八表奏汾陰呈寶
鼎天人相輻輳帝也廣祠祀翠華時北狩橫
汾發權歌冷然金石奏蘭菊秀而芳佳人思
我觀為樂須及時光景惜且晝高韻摩層霄
逸致羅列宿壯哉秋風辭千古貽芳漱何物
應制詩敢云漢才陋

郭林宗

東京主德哀舉世尚揚權士論日以清朝政

日以濁不知禍所基猶自矜高卓及乎黨錮
興善類遭椅捕賢如李杜輩駢首就刑劉哲
哉郭林宗千仞翔鳳鸞和不與物比清不與
衆角立身有常儀譏怨無由作至今土一丘
人林仰先覺

郭子儀

明皇踈忠良宮闈寵妖孽漁陽鼙鼓震海宇
如一呖六飛西南行烽火都城熱令公起朔
方兵威驚電掣精忠合神武力能國耻雪二
京巖不移逆胡悉屠滅西虜時跳梁非公
莫奪讒邪或間阻感激涕流血偉哉一大人
百代真殊絕汾陽王號崇瞻者欽芳烈

狄青

將軍竒特士發身自行伍志畧既過人姿狀
復英武敵人望其來畏之若猛虎初破元昊
師遂荷范公許一握大將符勃勃氣愈吐儂
寇方鷓鴣張一戰成逃虜此功亦甚高予獨別
有取不除黔面文不認梁公祖二事出真誠

卓哉越千古

文彥博

潞公真天人四朝仰耆德臨民多惠政立朝
有典則兩與定策功敢貪為己力出入五十
年樂善常不及年高德彌懋綜理恒抑抑夷
使瞻令儀改容而却立匪直一代光百世欽
勵翼蜀中竒錦進公如日月蝕介也誠直臣
論公則過激公量真休休力請還故職嗟彼
贈行詩詈公為奸慝興觀群怨體恐不類此
逼一倡衆和之母乃近滄滄

校士喜雨

趙喬年 汾州府知府

同雲瀰漫雨垂垂正是三農閔望時太守何
能尸帝力皇穹原自軫民危煙籠棘院龍蛇
舞霧擁文林桃李滋自此西河多樂事微臣
擬獻太平詩

平遙縣

次平遙夜望

苑洛韓邦竒

巡撫

漠漠荒城署飄飄旅笛哀坐看寒燭盡愁絕

夜更催冀北花爭發塞西鴈不來歲華容易
改春盡且塵埃

次苑翁韻漫咏 承山宋岳

分守道

獨坐秋庭院荒城落木哀風塵那可息節序
轉相催野曠看雲度窓虛待月來漢臣多李
霍應為掃氛埃

讀壁間端溪韻有懷 韓邦奇

不見端溪十四載江南塞北日相思郵亭此
夜無窮意對月遙看壁上詩

度上店嶺 宋岳

征輿當曉發麾劍倚秋風霜葉紅千樹雲山
碧萬重村童喧吸水野老醉携筇藩守慙多
拙惟應喜歲豐

超峯曉月 任良才

邑人進士

聳出千山接太空山頭初曉月溶溶晴嵐蚤
霽橫青黛湫沼涵滌映碧瓏五月花殘無湛
露三春松古有寒風幽人策杖登臨日天下
奇觀一望中

源池潤民

曹武 邑人府同知

寒泉漱玉徹清流曲轉餘波兩岸秋浪捲平
原黃種熟雲迷沃野綠陰稠池心帶雨千波
碧水面疑煙一鏡幽試問村墟動歲叟膏泥
深處出珍羞

詠周卿士將臺

任良弼 邑人吏科都給事中

山城周室六軍臺世遠星移紫霧埋將壘四
圍無鐵馬女墻半落有蒼苔殿廊重建人安
在草木成林鳥獲來從今誰主爭雄地明月

清風任往迴

詠清虛觀 玉皇閣 姚遂

玉皇高閣倚天開閣上涼風四面來古栢蕭
森臨遠漢斷碑剝落映蒼苔琳宮有地誰堪
種閬苑無媒日往迴棟宇不知何代起宋唐
文字半成灰

詠介之推

雷嘉祥 邑舉人

多難從亡日 關關復國時股剗心獨苦身隱
祿終辭天力 將誰誣孤忠只自知骨灰名不

灺千載仰新祠

署中靜室

隴西楊恩 戶部主事

他處勞勞此處閒但得閒處即深山先天未
剖含諸境太極無形見一環正好此中觀氣
象莫教這裡失機權從今悟得圓通竅不向
雲松浪閉關

介休縣

遊巖至迴鑾寺作 唐太宗

迴鑾遊福地極目玩芳晨寶刹遙承露天花

足春梵鐘又二響法日轉雙輪寂爾真仙
境超然離俗塵

和詣巖祈雨 宋皇甫韶辭

路盡山尤勝溪深水愈豪寺樓今不見依舊
五峯高

賜太師文方得詩 宋神宗

四紀忠勞著三朝聞望隆享茲難老祉報在
不言功富矣照彌大居馬貌甚冲西都舊士
女白首竚瞻公

蒙恩就瑯林苑中使賜御詩恭和聖制

文彥博

老臣為感聖恩殊趣治輕裝覲帝居錫宴便
蕃親鳳宸賜章重疊捧龜書康時有志才終
短報國無功術已踈身在洛陽心魏闕願傾
丹懷上公車

西歸日瑯林苑賜宴即席

文彥博

竊祿叨榮四紀餘退思僥倖亦無如趨朝再

覲新官省解纜還歸舊里廬報國丹心明皎
皎戀軒疲足去徐徐群公盡出都門祖盛事
光于漢二疏

題郭林宗墓

薛瑄禮部侍郎

幾經滄海變桑田高塚常留古道邊瑞鳳有
時鳴而曉日溟鴻終古沒秋煙關河迢遞仙舟
隔江漢空茫雅信傳千載有碑應不愧路人
猶自識高賢

過汾

關西李夢陽提學副使

汾州志 卷十五
太行西半濁汾流
蘆葦蕭蕭八月秋
漢武樓舡今不見
離思歌罷使人愁

題林宗墓

沈伯咸 行人

小雨綿山過野田
林宗古墓夕陽邊
鴻飛萬里心留澗
鶴返千秋松卧煙
落帽清風爭折角
道舟春水擬登仙
勣子亦致生芻奠
敢謂同心企大賢

題介子推

韓邦奇

千里綿山一炬灰
龍蛇歌罷益堪悲
卞和之

抱荆山玉不獨當年介子推

四海誰扶漢室顛
桐江風節一絲傳
知君真隱具
明哲千載人稱范母賢

漫興

韓邦奇

赤葉蕭蕭下晚林
客窓無事轉愁深
十年官跡雙蓬鬢
萬里浮踪一跛琴
野閣風高悲戍笛
並仇城日暮急秋砧
郵亭寂寞逢村酒
獨對黃山化一醉吟

孝義縣

迴孝義有感

于謙 少保

茫茫烟樹遠孤城千古猶傳孝義名
郭巨墓荒春草合比干臺古野烟生
落花飛絮迷征旆刺水殘山惱客情
鞍馬匆匆無限意不堪
回首日暮雲平

而日濟渠

趙訥 邑人進士

城居厭煩燠偶到南山墜屋舍
溪流處田園雨後時野
花鋪作繡嘉樹列成帷
霧隱無如此慚非玄豹姿

廣仁寺

趙訥

高秋尋遠寺萬象與心清
窻竹籠僧語簷風遞磬聲
波澄禪意定葉落俗緣輕
但得閒中趣何須世上名

靈石縣

過介廟

張商英 宋狀元

十九年從晉重耳艱棘憂危同踐履
田中馬食桑下謀寒足周旋垂萬里
一心奉事不自欺
逆知天意開公子及河忽聞舅犯言如以

汾州府志 卷十五 十一
朝衣蹈泥滓鄙夫豈可與同行携母入山耳
隱藏公子歸國霸業強築壇踐土尊天王大
夫卿士環佩鏘斬祛寺人分頡頏念子昔者
借奔亡舍我長逝情怛傷大蒐縱火焚山岡
烈燄不肯回剛腸嗟乎義士烏可量何人謬
作龍蛇章

謁子夏廟

薛瑄

禮部侍郎

浩浩西河流遙遙東魯山山河遠相隔千里
獨游還升堂奧可入豈曰文辭觀相從陳蔡
危松栢知天寒索居晚節來侯國師耳盤去
今幾千載高風洒塵寰瞻望不可及青雲映

西關

過韓侯祠

于謙

躡足危幾擊于房將軍不解避鋒芒成功自
合歸真主守土何須乞假王漢主規模應豁
達劇生奇策豈忠良荒墳埋骨腰山路駐馬
令人一嘆傷

過淮陰侯祠

蹇達

兵部尚書

汾水滔滔瀉萬頃東流曲抱淮陰嶺嶺上征
人落日稀祠邊古木西風冷榆關傲吏久驅
馳行行直上將軍祠遺碑剝落不堪讀獨立
堦前有所思鴻漸初年困羽翼釣竿却把淮
河側王孫落魄自興哀漂母相逢因進食大
將登壇動漢皇一劔能令百萬當祇緣國士
酬真主豈悟人臣諱假王扶劉已得亡秦鹿
裂地分侯重推轂飯恩自淺漢自深將軍籌
之良已熟少年不復報淮陰獨遺漂母千黃

金一飲猶然不忍負詎向漢皇持二心漢皇
寵極元難恃天下已就傾壯士逐兔寧知走
狗功鳥盡良弓空復爾將軍含恨向誰消白
楊風雨共蕭蕭英雄洒泪隨汾水歆與招魂
叫次瀟湘龍躍馬竟何有功高猜忌君知否
吳江伍子尚沉寃越嶠種生終授首山深不
碍子陵裘湖濶能容范蠡舟塵世伴生應辟
穀冥魂千載見留侯

吊韓侯踏莎行

韓邦奇

高嶺連雲寒煙帶雨長楊滿路悲風起將軍
墓上草蕭蕭荒祠白日眠狐鼠九里山前未
央宮裏淒涼往事煩曾臆烏江汾水兩悠悠
東流不盡英雄泪

過淮陰祠

寧真龍僂駱

逐鹿中原戰力微登壇一劍漢光輝足曾躡
後猶封國心未猜前尚解衣黃石不經炎火
熾赤松先伴白雲歸過祠謾對英魂泣秋草
長陵久落暉

題瑞石

陳棊 提學

當年一石解通靈輦道曾聞此地經文瑞至
今無是處汾流還遶四山青

步文昌閣勉諸生 崔士榮

岩堯高閣碧巖隈紫帶汾流自北來廟貌文
昌瞻百代霄騰奎煥燭三台山川若為增佳
氣麟鳳應知產異才寄語青衿多勵學莫教
虛負使君裁

題冷泉寺

呂柟 狀元

汾州府志 卷十五
靈石北來過冷泉綿山日午散輕烟風塵奔
走無停息蘭若雲深僧正眠

駐保安寺

白夏 汾州知州

石徑崎嶇轉層岩上上開開雲依古木野鳥
傍禪臺天疑山外近人似日邊來松花將
酒身世是蓬萊

永寧州

三陽山

陳希夷

十年踪跡走紅塵回看青山入夢頻紫陌縱

榮爭及睡朱門雖富不如貧愁聞劍戟扶危
主悶見笙歌聒醉人收拾舊書歸舊隱野
啼鳥一般春

華山高處是吾宮出即臨虛跨曉風臺殿不
將金鎖閉來時自有白雲封

三陽雲鳳山

張湘 光祿卿

華嶽當年是舊遊此間何日醉蒙頭官辭諫
議歸仙洞醉識真人下酒樓優詔九重丹鳳
杳野心一片白雲留三陽山上空塵跡只有

長河水自流

白馬仙洞禱雨

許天球

春郊聯轡訪仙蹤
洞口桃花色正濃
白馬已隨黃鶴遠
蒼虹猶見紫苔封
重巒殿古懸雲榻
絕澗崖空瀉石淙
為報山靈元應禱
霖時霈慰三農

過永寧

朔方李廷彥

匹馬來過舊石州
荒城殘壘暮堪愁
哭聲尚逐風聲咽
兵氣猶蒸厲氣浮
三晉黎民多此走
千山白骨未全收
何時得掃胡塵靖
為雪當年漢國羞

寧鄉縣

宿吳城驛

黃素屏

登登鳥道亂山多
白草黃蘆遍石坡
絕壁倚空凝積雪
飛流直下激層波
紅塵歲月驚秋盡
清鏡勲名柰老何
立馬西風增感慨
籌邊何日許重過

登卧龍岡

劉有誠 邑人 參政

汾州府志 卷五
諸葛當年曾有夢龍岡此日慰登遊
歎歎莫訝分三國人物終須第一流
謁廟歛容慚逸駕倚樓舒眺憶荒丘
黃鸝古栢聲含訴應恨天心不在劉

和希夷韻

劉有誠

林泉佳處脫浮塵擺脫浮塵樂意頻
志氣豪雄寧憶老胸襟飄洒孰知貧
逍遙花水觀生意展閱詩書對古人
我問滔滔聲利客誰家堪賞靜中春

汾州府志卷之十六

雜志類

孔不語怪孟放淫詞顧商羊萍實之誣齊東
野人之語亦並紀載者何也蓋說有堪以藏
往論有足以資博故雖詞涉荒唐事或詭常
君子亦弗棄焉况志方輿而辯土俗亦何嫌
於稗官埤雅之弗經齊諧燕語之並錄耶

墳墓

按世代更易陵谷變遷即昔稱雄都鉅鎮且

有委草莽者况僅僅一杯土耶汾多名賢遺塚惡可令其湮滅間有新阡近隴並附紀載者崇賢也亦以勸後也

汾陽縣

魏司馬斌墓在城西七里許一名陳王墓水經注魏黃初二年西河恭王司馬子

盛碑載咸寧四年改命爵士其年十一月
國臣大農閻崇離石令宗辟等二百三十
人刻石立碑以述勲德碑比廟基尚存考之
史冊斌字子正豈盛正音相近而誤耶改命
者即封陳也故名陳王墓焉

趙離石侯墓在萬戶山之西趙封石嵩為離石侯卒葬於是

宋狄武襄公墓在城北十里郝洪里之劉村

顯慶寺守塚奉祀有元學士水寅記俱見縣志

王狀元墓在城西南十里尉陵里之張家庄

元呂簡肅公墓在城西南三里元學士虞集撰神道碑見縣志

張狀元墓在城西北三里中千里之馬家庄

國朝辛詹事墓在城西南三里南社村辛公名彥博為國朝人物

田知縣墓在城南一里斜叙口之原田公名耕時稱孝廉與辛公並入鄉賢祠

頃鄉人復為立忠孝祠歲祭之

嚴知府墓在城西關為宗室侵沒萬曆十三

仍立神道碑北向

孔布政墓 在城東北人美廂官道西

王侍郎墓 在城西十里萬戶山下

張太僕墓 在城西十五里尉陵里

平遙縣

周尹吉甫墓 在縣上東門外

南北朝北齊王妃墓 在縣西北乾明元年卒於

唐竇王墓 在縣東南羅家庄牛口峪

孝女墳 在縣東七里梁村北趙親老妻梁氏無

朝夕奉養終三女躬耕一畝築墳丘高三尺周圍二畝許女各植栢一株至正德年有盜樹者將斷斧聲徹村墟二十里人咸聞之以為孝感之異至今呼為孝女墳

介休縣

漢郭有道墓 在縣東五里官路南塚高二丈許

李陵墓 在縣東四十里按陵隴西成紀人李

尉天漢二年將步兵五千擊匈奴而單于以兵八萬圍陵士死過半轉鬪八日食乏而

救兵不至遂降匈奴單于妻以女立為右校王與衛律偕貴及見蘇武守節不變喟然嘆

曰嗟夫義士陵與律罪通於天泣下沾襟後卒於虜單于遣通陵屍於長安至介休東四

十里下李侯村南路蹇難行遂落而葬焉

晉賈侯墓 在城南三里許西晉時死節葬此

唐劉武周墓 在城東南隅

宋子俊墓 在縣南西靳村

御史馬周墓 在縣東四里許官路北有碑記

元鈕宣尉墓 在縣西北三里許其父文墓亦在

宋文潞公祖母墓 在縣西一里許

孝義縣

戰國魏文侯塚 在縣西五里

三子墓 縣西北俗傳為卜子夏段干木田子

巨墓 在縣東北

宋尚書趙景肅公墓 在趙家庄北

文氏先塋 董屯村介休人潞公曾祖周國公

永福寺藏經記見郡志

宣皇聖母陵 在王才 劉宣王陵 在下馬寬

國朝晉恭王劉妃墓 縣西南偏店南山 劉氏 因

永和昭定王分封汾州遂就養焉薨葬於此

兵部尚書霍冀墳 在城北一里勅修

靈石縣

晉介公之葬墓在縣東張嵩村地名神林

漢韓信墓在高壁鎮韓侯廟後

宋名臣師範墓在縣東尹方村

金尚書馬瑗墓在縣西文學里馬家莊

元元帥溫燾墓在文學里溫家溝

進士喬世勳墓在縣東尹方村

國朝都憲吳琰墓在縣北索河鎮北路橋

永寧州

吳王墓在城東北七十里暖泉冷

後趙石勒墓在城北三十里

唐宋務光墓在城南五十里有石羊虎及碑文

北朝魏孝文墓在城東北七十里拓拔嶺

宋陳希夷墓在城北三陽山半希夷葬後華陰

人來取其骸骨啓視之頭大如斗骨赤如丹異香經日不散負至城西南原重不能動復葬鳳山

寇宰相墓東北八十里康家嶺古墳一座或

寺觀

按二氏之道儒者不墜乃琳宮梵宇幾遍海內而汾元其豈化導然我亦漸染素耳語云

因其俗不華其故則清淨慈悲之教或興起
人心之一端也

汾陽縣

天寧寺

在東郭之西北隅相傳漢郭恭宗在
宅唐始建寺名大宋中宋汾陽善昭禪

師再修持名太子院嘉祐八年重修元至順三

年再修國朝洪武十八年大加修建更名
天寧寺置僧正司內萬佛樓雄偉凌雲參政

宋公岳重修之匾題太虛勝覽即人王緝代
書孔天瀛為之記見縣志

石塔寺

在城西五里唐為開元寺無業禪師
住化於此無業俗姓杜氏商州上洛

人傳洪州心印後徧歷名山道遙綿上閱經
清涼山寺振錫南下至於西河汾止泉香佛

利州牧董叔經延至開元精舍乃謂弟子曰
吾自至此不復有遊方之意豈吾緣在此耶
憲宗召入內辭疾不行至穆宗遣僧錄靈準
齋勅懇迎遂示戒馬弟子慧悟等奉身茶毘
有卿雲五色異香郁護疑空西來以長慶三
年十二月念一日安奠練者之庭琢石為塔
謚大達國師號澄源馬今其塔尚存後緣以
名寺亦名村
天宮寺 在董寺里為隋唐以來一大叢林太
其下院 平里之法興寺池定里之馬鳴寺皆

般若寺

在城南十五里慶雲鄉唐永太初建

資福寺

在南郭周開荒二年建

顯慶寺

在狄公瑩域宋時為狄公守塚奉祀
創建元增置祠堂寺後園地一畝

畝侍講學士未寅為之記見縣志

實際寺 在城西北懸構水竹穿繞谷中之北山巖為最勝

白雲寺 在城東三十里杜村為大夏鄉第一大

靈巖寺 在城東北二十里小相西隋宮以方伯孔天澈記

國寧寺 在城東北二十五里盡善村元至正

上清宮 在城北七里宋祥符三年建內有古外郎趙世祿為之記見縣志

仙槐觀 在城隍廟東相傳其地有槐枯朽如

長茂喻初故州人飾觀以仙槐名後有勝點子者亦異人也步樹下題曰山郭殘寒落照前琳宮信步訪真仙真仙有似開庭樹心死仙觀云不記年今觀中他槐亦盛俗通謂之神

玄真觀 在府治之北元初武畧將軍監郡汾

奉道教名曰玄真有翰林修撰張益記萬曆

長春觀 在城西十里村田氏延羽客張真

一修煉居之因建西巖庵後真一參丘初錫

號丹華子還守舊址益邃玄宗於丁亥五月遷十八日向坤飛去明年是日復至如是者三

及真一羽化而遺音至今馬真一愛子里人
中統中增建殿閣更名庵為長春觀云

平遙縣

太子寺 在縣治東

吉祥寺 在縣治後

清虛觀 在縣治東北

慈祥寺 在縣東十五里唐肅宗建

內有麓鏡臺高三百丈

丹陽觀 在縣西北八里李村

玉清觀 在縣西南十里侯冀村

介休縣

空王寺 在縣南四十里興國寺東抱腹岩上

興王寺 在縣東南隅唐貞觀勅建永樂間晉恭王重修

龍泉寺 在縣東五十里趙家窰村南寺子溝半山間

淨土寺 在縣東五十里史村寨上廣吉士楊元祥撰記

太虛觀 在縣東南二十里石同村南打岡上金大定五年創建

三清觀 在縣治北隅 長春觀 在城南縮頭村

孝義縣

太子寺 在中楊樓東

廣仁寺 在城南

永福寺 在董同村

清涼寺 在下馬寬村

希真觀 在吳屯村西北

臨縣

普化寺

正覺寺

林峯寺

降福寺

白雲寺

明真觀

靈石縣

惠濟寺

在城內北街

清涼寺

在小水鎮東山上寺在萬

山環抱之中莊嚴宏麗為梵宮勝境

資壽寺

在縣東蘇期村

大雲寺

在冷泉鎮寺鎖重關之中雲山疊複幽麗可棲騷人多駐節馬

保安寺

在石膏山

壽聖寺

在張志村

三清觀

在靜介里

永寧州

天寧萬壽寺

在州治東北元大德四年建

龍泉寺

在州治西大定年勅賜龍泉講院

廣嚴寺

勅贈額名在州治西

洪濟寺

在州治西八十里山頂古塔栢林環遶有御製翰林馬汝驥記

寶泉寺

在州治北山頂有泉山下有田雖經霜不凍多至成熟故名

江猪寺

在州治西寺後有石窟內懸一石名猪寺下有潭水故名

卧虎寺

勅賜額名在州治西有古碑進士劉汝周撰

寧鄉縣

清涼寺 在縣治中央金明昌間昶公戒師建

普照寺 在縣西上鋤溝村元大定四年建

石佛寺 在縣西克胡村元至大三年建

寧國寺 在縣南白石村金太和二年建

寨嶺寺 在縣南虎頭山景泰三年建

南山寺 在縣東松林坡

玄都山 在縣東卧龍岡元丁未年建

天真觀 在縣西大成村元延佑五年建

仙釋

仙釋非吾儒所道謂其蟬蛻羽化空口口覺路
之談誕不經耳顧煉術可以守氣戒律為能
疑心即小道亦安可輕棄乎况高賢逸士或
脫而逃超然塵壒之外尤不容湮滅無傳也

志仙釋

汾陽縣

麻衣仙姑 見山川

長命女 見聖仙廟

哲法師 本縣人母曹氏嘗夢日光滿室遂嫁

世武后臨朝屢徵不起開元間坐化於平遙
集福寺

國朝范榮

字子蘭澗武里人俗傳曾遇仙人張

逢又在十年前曾將物外無為事詳與毫端

不盡傳白髮垂纓君已老青雲得路我為先

世間舊景只如此何不同歸一洞天為終日

朝邑人忽遇榮於京師榮與約繼此為終日

飲邑人笑而去後成祖物色三丰不得徵知

與子蘭友因及子蘭至介其人云見子蘭於

京師遂與俱往榮曰吾國所知君子之必復也相

甲午舉人曾任江西與國令

孝義縣

仙童一不知何許人漢武帝於縣西王才里見

因名其地為仙童原聖女因假來言訖上升

白衣菩薩以道行自持積居道成至高阜南

澗石上欲坐而化適牧童驅擾俯地悲泣淚

化升天後人因此立祠其岩漸長祠亦增大

僧惠林温家溝人住持務峪寺隆慶丁卯秋

臨縣

圓鏡瓦本朝臨縣人悟諸經秘肯其中囑徒曰

吾將歸矣衆問其期曰來日耳至期沐浴俗

忽一日集僧衆謂曰吾將別汝等矣即書一

雪鳳棲丹嶠水潮東一點靈臺光皎潔何皎

分州府志 卷六 十一

僧專心悟道不與俗僧混處衆咸惡其立異
遣之使去僧曰而今既入驪龍窟未獲明珠
不肯歸後得大道不知所終

永寧州

陳希夷傳云居州北掃場街嘗持禿帚乞食
三陽雲鳳山巔有女奴饋食女入城亦不見
其乞食處人以為異及洩幾於華山來人之
詩希夷遂蛻殼於此今座於鳳岩有仙塚焉

寧鄉縣

王元即真仙什少貧負薪同樵者信口歌詠
術綽號虎皮又為油瓶仙人既斃太監梁訪
置屍棺中將殯啓棺民然無迹止遺虎皮時

人見於關西連雲棧中

韓教遠

沒胡觀修行燒煉為生常喂一鹿呼

將至汝湏藏匿鹿置林間徒答以糧而鹿
頃之果有數賊至分裂二道披衣糧而去鹿
見道死觸石亦斃數日人自平陽來者云沒
胡二道引鹿南去

災祥

春秋書災異不書祥瑞志何以兼之蓋春秋
示戒也志者紀事也西河古今治亂興亡之
跡驗之災祥者代不乏書可弗志乎矧人事
之修天變之應毫不少爽為政者觀此亦可

分州府志 卷六

以知所圖矣

汾陽縣

晉

後趙改元太和時電起西河大如鷄子平地三尺漥下丈餘行人禽獸死者萬數

隋

仁壽二年西河有胡人乘騾在道忽被迴風所飄并一車上千有餘尺乃墜皆碎馬

唐

貞觀八年七月汾州青龍白龍見得玄龍吐物在空中光明如火墮地陷之尺長七寸景雲二年正月甲戌汾州地震壞廬舍壓死者百餘人

廣德二年六月丁卯有妖星隕於汾

咸通五年冬汾州六雨雪平地深五尺

十二年正月民家白鼠多啣蒿芻巢樹上鼠穴居去穴登木賊人皆貴之象

宋

淳化元年八月汾州悉達院僧智嚴頭生角可長三寸

崇寧元年春正月汾州地震彌旬晝夜不止壞城壁屋宇人畜死者甚衆

嘉靖五年汾陽大饑斗粟錢數千流殍滿野

至正十四年夏四月汾州地震

二十六年汾州地震

國朝

正德六年六月黑信自東來為狀不一人或
被傷者有血痕居民鐘鼓震鳴通晝夜不寧
至七月方息

正德十四年 上駕幸汾時自榆林還京

嘉靖八年饑

十二年饑

十七年元宵東郭火式賢閣災

二十年八月虜入寇遊騎至汾境

二十一年八月虜入寇

二十三年六月大水平地數尺山河水漲自
西泡入滄塌居民廬舍城東田畝多災

二十九年四月初九日風霾白晝晦冥

三十年三月東關火災延及數百家關民廬
舍減半

隆慶元年五月城隍廟災適值市會燒死
幾百是年九月北虜入寇大掠而去殺死
數萬人

萬曆九年東郭火災燒廬舍大半

十四年大荒斗米二錢餘道路死者接枕

二十八年正月朔十日地響如雷自西北起
隨有白氣一道經天踰時方散
二十九年大荒

平遙縣

元

大德七年八月六日夜地震縣人死傷者甚衆房屋倒塌盡地湧黑沙如泉不止

國朝

嘉靖二十一年北虜大舉南掠平民被害死者萬餘人

三十四年十二月十二日夜地震其聲如雷地裂湧泉

三十五年大水本縣溺死者七十餘人

三十六年酷旱缺食之家三千八百有餘

隆慶元年北虜攻陷石州移兵平遙多被掠

萬曆十四年春又旱麥盡稿死方雨民始種麥冬無雪明春又旱麥盡稿死

三十二年城北汾水泛漲徑入沙河夏秋二禾盡沒農家失望三十四年西北鄉冰雹復傷隣河多愁嘆之聲

介休縣

正德四年七月內綿山水大漲平地起波丈餘衝入南城門幾沒民舍迨水涸民出視之

忽見城外一里許地裂潤二丈深不可測盡洩於此地

正德八年黑青見於境中為狀不一傷人輒有血痕居民咸鳴鐘鼓明燈達旦以警備之

彌月乃止

嘉靖二十一年七月朔日食已盡星辰晝見時虜大舉入寇是日倏至城下遍地舉火肆

掠攻破石同王里二堡

嘉靖二十八年夜半地大震民舍多塌毀人

驚怖處不敢安寢隆慶元年九月十五日虜大舉入寇自汾州

西向慶陽峽諸山梁入四鄉多被殺擄萬曆十四年大饑父老言從來荒旱未有如此之甚次年四月隕霜禾稼盡殺流移餓死者載道

萬曆十七年縣堂後庭西梁產芝草十六莖教諭趙濬有贊

萬曆二十六年大旱道路嗷嗷不可勝數

萬曆二十八年正月初十日巳時天鼓自西北大鳴流於西南約有一飯頃遠邇驚異後有客自關中來者云是日亦鳴而占者以為兵兆

萬曆三十三年夏綿山水漲夜半發流深有丈許自南城門徑入往北居民多被其漫害是日近晚比門吏見一使客云留門遂留至二鼓餘水至遂從門洞中流去俗皆疑為神云

孝義縣

元

大德七年秋八月地大震

國朝

成化十七年夏六月大水漂沒南關及鄉村廬至三千區十九年大旱

正德元年北關民薛太所居壁上忽見樹影
枝葉扶疎宛然如畫遠近聞之皆來觀莫解
其由逾月不見

嘉靖八年冬十一月地大震

二十一年秋七月朔日食既星晝見

二十三年夏六月大水

三十四年冬十二月地震有聲

隆慶元年九月北虜入寇

萬曆七年大疫俗傳為蝨蟻瘟每一人病闔
家傳染所傷甚多
十四年大饑

二十八年正月天鼓鳴

二十九年大饑

三十三年夏大水六月朔一日辰時大雨如
注平地水湧三尺少頃孝河泛漲兩岸各
二里許高丈餘漂沒四關水自東門入城塌
毀官民房屋無算傷人亦多知縣劉令譽發
粟先賑後聞

臨縣

嘉靖十九年八月中天水暴漲自東山至城
下並無岸際約高數丈城內水與城齊漂沒
民居器物無數後南城角毀洩之而出

嘉靖三十四年冬中夜地震墻房塌毀人畜
損傷甚多

嘉靖四十三年連虜臨城搶至三交鎮

隆慶四年漸粗大捲回自西北指東南光采射人見之可駭

隆慶六年五月中太白星晝見自東歷西月餘方沒

萬曆九年春秋大旱

萬曆十年彗星東見歲餘方滅凶荒之災五載稱苦

萬曆十四年秋禾未熟饑饉大荒

二十四年春夏大旱

二十九年八月初九日嚴霜早降秋禾全未成熟歲致大侵人食樹皮草根塗有餓莩

瘟疫多疾民甚苦

靈石縣

隋

開皇十年文帝駕幸太原傍汾河開道至此獲一石有文曰大道永吉因以為瑞遂置縣

國朝

成化十九年大旱

正德八年黑膏見於境

正德十五年大雨東山水至破堤入城東而垣俱沒毀

嘉靖十一年十一月夜星隕如雨

嘉靖二十一年七月朔日食暗如黑夜仰見
四星辰
四十年歲大饑斗米價銀三錢

萬曆三年六月六日霖雨如注山水暴至破
堤百餘丈

十四年大饑每銀一錢糶米三升

二十七年自春徂夏不雨饑饉百姓逃竄

二十八年正月天鼓自西北鳴流於西南

二十九年自六月至八月不雨

永寧州

周

定王二十一年梁山崩過河三日不流晉君
召伯宗而問焉對曰君親素縞率群臣而哭
之既而祝焉遂流

城南平溝橋有雙蓮並蒂而生張堅撰記其
文剝落其名存曰蓮之雙胡為至花相連枝
焉異刺史良民人治氣之和石之瑞

金

大定丁酉秋東鄉白果地內產嘉禾四隴莖
長三尺五寸石州定胡縣令郭震表獻於朝
民請刻圖於石進士吳希尹記

大德七年秋地震

國朝

正德六年大饑

正德三年知州張克恭獲白兔獻上

嘉靖十四年四月城東四十里王峪庄民李

賽牛將生犢黃氣滿鹿牛卧終日不能生既

生形如麝尾似牛有鱗家以為惟棄之識者

曰麒麟也收負之其身黃如金口赤如丹有

原獻之當道厚賞其家為死麟不奏貯之太

嘉靖三十九年大饑且三月至七月厲疫大

隆慶元年北虜入寇陞州城人民大被屠虜

每歲秋虜有聲息邊役速報是歲尚嵐兵端

王學緩備九月初九日晚一軍持檄報來五州

守匿檄入袖曰此常例耳至初十日虜已入

境路塞無報至十一日辰時賊至峪口

割離城七十里傳信驚惶始誓衆上城至十

二日黎明虜即犯城南北川旌矛橫屯惟東

川不屯意使在城者夜趣也且給曰我衆明

日往汾州不捨石州官以為信愈不嚴加整

備即有一二驚戒官不信而誰信至十三日

-5 185 50 925" data-label="Text">

卯時減聲震天馬蹄震地將城四面密圍近

城壕俱精兵鐵盔覆首鐵甲連足雖矢石加

身不動箭射如雨城下散卒執竿杓梁尖鏹

掘城州衆多被箭傷州守王公閉門不出虜

長淹谷坐東南隅傳令買賣要金一萬兩南

京段三千尺衆議不決俺答怒周圍箭騰復如

雨城衆四散虜卒相攀而上城中火焰騰起

男婦自縊者投井者殺傷者不勝計城外殺

死者適野州守傷在衙內儒學官傷者三人

同知張大才出使得免虜退後兩院委温經

歷查看埋屍骸其在四鄉不能收拾者任其

汚沒其在市井者俱收於埋北門外厲壇左

二大坑一埋男子數千一埋婦女數千俱立

大塚照例祭馬

萬曆二十九年霜盡殺禾大饑至三十年春
人多瘟疫亡餓盈野

寧鄉縣

金

天會間大饑

天眷三年地震

皇統三年八月嘉禾生

元

至元二十三年夏大旱

二十九年饑

大德七年地震

至正十一年四月地震

國朝

永樂十一年八月大雨雪

景泰元年八月霜禾盡殺

天順六年饑

成化十八年八月大水

二十年大饑

弘治元年秋雹

八年夏旱

十七年饑

正德十年駕過清龍河

十一年饑

嘉靖元年地震

八年正月大雷雨

九年饑群寇大起標掠攻城

十二年大饑

二十年桃李牡丹花北虜入寇

三十四年地震如雷城屋頽圯壓死人畜甚

衆三十九年至四十一年大饑賊

名隆慶元年北虜入寇陷石州邑人被殺百餘

二年大有年

萬曆六年彗見西方長竟天邑人聚觀之

八年五月半夜中天豁然如眼光耀燦入

十年大旱

十二年至十四年大饑河水頓乾

十四年饑虎狼下山近城食人

二十年三月大雨雪折松栢枝秋收

二十五年龍起縣治迎賓館槐樹內

二十八年風雨時若秋禾大獲

三十四年村民高天順十月內一乳三男



